

Athletic-Reala
derbia

Futbola

Albertoren partaidetza airean

Atezainak gaur egingo du proba eta orduan jakingo da bihar jokatu duen

Alberto atezaina gerriko minekin dago asteazkenaz geroztik, eta bera izango da gaur goizean Zubietako protagonista, bihar San Mamesen jokatu duen ala ez jakiteko proba egingo diotelako. Derbia ezingo balu jokatu, Olabe ariko litzateke hasieratik. Bestetik, De Pedrok eta Craioveanuk dagoeneko ez dute giharretako arazorik.



Alberto, Iñigo Larrañzarri bostekoa ematen iazko derbian.

INAKI OTXOA

Enekoitz Esnaola / Donostia

GAUR jakingo da Alberto atezainak biharko Athletic-Reala derbia jokatu duen ala ez. Alberto gerriko minekin da herenegun goizeko entrenamendutik -saioa utzi egin behar izan zuen-, eta Eduardo Escobar medikuak 24 edo 48 orduko atsedena eman zion. Atezainak atzo, ordea, ez zuen gauza handirik egin, eta gaur egingo diote azkeneko proba erabakigarria. Orduan erabakiko dute medikuek eta atezainak berak biharko partidurako prest dagoen. Ez balitz egongo jokatzeko moduan, baja garrantzitsua litzateke, Alberto sendo ageri baita azkeneko denboraldietan.

Roberto Olabe atezain ordezkia prest dago, ordea. Iaz sorbaldakoa arazo anitz eduki zuen Olabe, baina denboraldi honetan erakutsi duenez, erabat osatu zaio lesio hura. Hirugarren urtea du Gasteizko atezainak Realean, eta orain arte partidu bakar bat jokatu du: 1995eko urriaren 15eko Real-Merida, eta txururdienean 1-2 galdu zuten.

Albertok azkenean ezin badu jokatu, Realaren bosgarren baja litzateke, Agustín Aranzabal

Bernd Krauss entrenatzailearen iduriko ez dagoelako oraindik puntuan, Darko Kovacevic abduktoreetako lesioarekin dagoelako, Imanol zigortuta egongo delako, eta Iker Sarriegi aspalditik dagoelako lesio larri batekin. Alberto, Kovacevic eta Imanol ohikoak dira Kraussek, eta Aranzabal ere aurki ohikoa izango da seguruenik. Bestetik, Javier de Pedro eta Gica Craioveanu giharretako arazoez egon dira azkeneko egunetan, baina ondo daukadanik.

Eragozpenak eragozpen, litekeena da hau izatea Kraussen hamaikakoa: Alberto edo Olabe; Fuentes, Loren, Pikabea, Lopez Rekarte; Mild, Gomez, De Pedro, Gracia; De Paula, Craioveanu.

Fuentes: «Errazagoa da San Mamesen punturen bat lortzea»

AZKEN URTEETAN ohiko titularra izan eta gero, denboraldi honetan ordezkioa da Miguel Fuentes, Imanol ari baita hasieratik jokatzen eskuin lateralean. Baina bihar San Mamesen Imanolek ez du jokatu, bi txartel horirekin dagoelako. Fuentes ariko da titular. «Hori esan du, behintzat, Kraussek komunikabideen aurrean. Eta atzo -herenegun- antolatu zuen partidu txikian, ohiko titularrekin aritu nintzen. Beraz, badirudi berritoki titular izango naizela», esan zuen atzo Fuentesek. Baior dago biharko derbiari begira: «Partidu zaila izango da, eta, aldi berean, interesgarria jarraitzaileentzat eta jokalariontzat. Orain arte bi neurketa zail izan ditugu Real Madriden eta Barcelonaren zelaian, eta nik uste zelaia haietan baino errazagoa dela San Mamesen punturen bat lortzea. Gainera, azkeneko urteetan ongi aritu gara Bilbon. Moral handiarekin goaz. Haiek ere, ordea, izugarritzko moralarekin egongo dira UEFA-n Sampdoria kanporatu ondoren, ez baita erraza Italiako ekipo bat kalean uztea».

Artur Jorge azken egunean salatu du Sa Pinto

■ Esan du Realeko jokariak jo egin zuela, eta oraingoz ez du indemnizaziorik eskatu

E. E. / Donostia

SA PINTO AFERA ez da bukatzen. Eta badirudi Artur Jorge Portugalgo hautatzaileak ez duela borondate handirik honekin guztia-ekin amaitzeko; izan ere, Jorgek epearen azkeneko egunean jarri du Ricardo Sa Pinto Realeko jokari portugaldarraren kontrako salaketa, jokariak martxoaren 26an jo eta iraindu egin zuelako. Selektzionatzaileak ez balu salaketarik jarri, bien arteko liskarra judizialki bukatutzat joko luke Oeiras herriko (Portugal) epaitegiak. Orain hango fiskaltzak galdetuta egin beharko die akusatuari, biktimari eta lekukoei. Artur Jorge salaketa sartzeko orduan ez zuen indemnizaziorik eskatu, baina aurrerantzean


eskatzeko eskubiderik izango du.

Realeko jokariak ez du hitzerdirik esaten gai honen inguruan, baina Portugal aldean komentatzen da Sa Pintok ere parte sartu duela Jorgeren kontra. Sa Pintok bere garaian argudiatu zuenez, berak hautatzailea jo aurretik, Jorge iraindu egin zuen. Portugalgo Futbol Federazioko Justizia Batzordeak, ordea, ez zuen kontuan hartu arrazoi hori, eta urtebeteko zigorra ezarri zion jokariari. Nazioarteko Futbol Federazioko (FIFA) estatutuen arabera, herrialde batean hartutako erabakiak eragina du mundu osorako, eta, ondorioz, Sa Pintori fitxa egitea ezinezkoa izan zaio Realari, nahiz eta uztailen, Sporting Lisboari 500 bat milioi pezeta ordaindu eta gero (20 mi-

lioi libera), Realak jokalaria lau urterako kontratatu zuen.

Bitartean, Sa Pintoren zigorrak aurrera jarraitzen du, duela aste batzuk zigorra geldituta zegoela esan zen arren. 100 egun pasatxo daramatza zigortuta jokari portugaldarrak. Zigor osoa beteko balitz, Sa Pintok denboraldi osoa galduko luke. Realak, behin eta gehiagotan esan izan du bazekiela klubak arrisku hori zeukala, «baina fitxaketa hau, etorkizuneko fitxaketa izan da. Nahiz eta jokariak zigorra eduki, bere etorrera ona da klubarentzat».

Sa Pintok Realarekin entrenatzen segitzen du, eta entrenamenduetan garbi asko ikusten ari gara kalitate handiko jokalaria dela. Indartsua da, azkarra,



Ricardo Sa Pinto.

ANDER GILLENIA

teknika oso onekoa, errematatzaile trebea eta futbola erraz ikusten duten horietakoa. Bernd Krauss entrenatzaileak lehengo astean esan zigun moduan, «Sa Pintorekin Real asko hobetuko litzateke». X

Barça datozen lau partiduak irabaztera behartuta

■ Borussia Dortmund, Real Madrid, Manchester United eta Bayern Munich nagusi

Erredakzioa / Donostia

HERENEGUN jokatu zen Txapeldunen Ligako bigarren jardunaldia, eta ez zen izan aparteko ezustetarik.

A Multzoa: Borussia Dortmund egungo txapeldunak segitzen du jaun eta jabe. Herenegun bigarren garaipena erdietsi zuen, 4-1 hartu baitzuen mendean Praga. Multzoko beste partiduan, Parma 2-0 garaile Galatasarayren kontra. Borussiak sei puntu ditu orain, Parmak lau, Pragak bat eta Galatasarayk bat ere ez (final-laurdenetara multzo bakoitzeko aurrenak, eta bigarren bukatzen dutenen arteko bi onenak pasatuko dira).

B Multzoa: Manchester Unitedek herenegun lortu zuen bigarren garaipena, 3-2 irabazi ziolako Juventus indartsuari. Beste neurketan, Feyenoord 2-0 gainditu zuen Kosice. Sailkapena: Manchesterrek sei puntu, Juventus eta Feyenoord hiru eta Kosicek bat ere ez.

C Multzoa: PSV lehen zatian amaiera aldera jokari bat gutxiagoz geratu bazen ere, Barçak ezin irabazi: 2-2. Louis Van Gaal Barçaren entrenatzaileak dio «datozen lau partiduak irabazi beharko» dituztela. Multzoko beste neurketan, Dinamo Kievek 2-2 egin zuen etxean Newcastleren kontra. Sailkapena: Dinamo eta Newcastle lau puntu, eta PSV eta Barçak bat.

D Multzoa: Real Madridek erraz dominatzen segitzen du, herenegun Oportoren zelaian 0-2 irabazi ostean (golegile, Hierro eta Raul). Beste emaitza: Rosenborg 5-1 garaile Olympiakosen aurka. Sailkapena: Real Madridek sei puntu, Rosenborg eta Olympiakosek hiru eta Oportok bat ere ez.

E Multzoa: Bayern Munichek bigarren garaipena erdietsi zuen Goteborg zelaian. Bixente Lizarazu hendaiarrak ez zuen jokatu Bayernen. Beste emaitza: Besiktasek 3-PSGk 1. Sailkapena: Bayernek sei puntu, PSG eta Besiktasek hiru eta Goteborg bat ere ez.

F Multzoa: Emaitzak: Liersek 1-Sporting Lisboak 1, Monacok 4-Bayer Leverkusenek 0. Sailkapena: Sportingek lau puntu, Monacok eta Bayerrek hiru eta Liersek bat ere ez. X